



1630_063.jpg



1630_176_10_186.jpg



clxxxvi M. DC. XXX.
tent de ne troubler cy-aprez le Duc de Mantouë en seldits Estats de Mantouë & Montferrat, ny souffrir qu'aucun autre l'inquiette, mesme il s'oblige de l'affister & defendre envers & contre tous ceux qui le voudront entreprendre.


VI.


Promet en outre l'Empereur pour plus grande seurere des Estats du Duc de Mantouë, de faire en sorte par son entremise & autorité, que le College des Electeurs, la Ligue Catholique, & tous les Princes feudataires de l'Empire qui sont en Allemagne & Italie, s'obligent de deffendre & proteger les Estats du Duc de Mantouë à l'encontre de ceux qui les voudront enuahir, ou le troubler en la libre possession d'iceux: Et que le plustost qu'il pourra apres la signature du present traicté il en fournira au Roy tres-Chrestien les lettres d'obligation dudit College, Ligue Catholique, & Princes, par lesquelles ils prometttront de deffendre lesdits Estats, avec nombre de gens de guerre, qui ne pourra estre moindre que de quinze mille hommes de pied & deux mille chevaux.

VII.


Comme aussi l'Empereur & les deux Roys suppliront sa Sainteté qu'il luy plaise avec le sacré College des Cardinaux, & autres Princes

1630_751.jpg





1630_752.jpg




752 M. DC. XXX.

apres auoir esté vaillamment deffendu par le
Marquis de Montauzier avec son Regiment, &
composé de trois à quatre cens hommes, &
ayant soustenu vn siege de quatorze iours, &
eut vne composition honorable, & pour luy
tres-glorieuse: car il luy fut permis, avec vne
trentaine deses amis, & des plus braues, de se
retirer, & de rentrer dans Cazal. On a dit que
les ennemis perdirent deuant ceste place qua-
tre ou cinq cens hommes, & les nostres pour
le plus vne vingtaine. Son Regiment retourna
en France par Final.


*Le sieur de
Toyras char-
ge de deux Com-
pagnies de
Moran.*

Pendant le siege de Rufignan le sieur de
Toyras ayant des espions de tous costez, eut
aduiz qu'à Moran, petite ville sur le Po, à trois
mil de Cazal, y auoit deux Compagnies de
Cheuaux Legers du Duc de Sauoye, & où
estoiert logees toutes les troupes que com-
mandoit Hieronimo Augustino, reuenus du
siege de Pondesture, qui faisoient toutes les
nuicts patrouille iusques sur le bord du Po. Il
prit si bien & si à propos son temps, qu'il sor-
tit de nuict de Cazal, passe le Po & va charger
ces deux Compagnies, lesquelles furent rail-
lées en pieces, puis se retira. Sur sa retraite
ceux de Villenoue auoient pris l'allarme bien
chaude, & icterent quelque Cavalerie de-
hors, mais il se retira auant qu'ils peussent
sçauoir ce que c'estoit. Ceste hardiesse esten-
na grandement les ennemis: il ne perdit en
cette course qu'un Cavalier volontaire, qu'un
des nostres tua d'un coup de pistolet, pre-


1630_065.jpg




1630_753.jpg



1630_066.jpg



1630_754.jpg



754 M. DC. XXX.

Fait un Regiment de Montferrins.

les hommes qu'il auoit perdus par la reduction de Pontdesture, Rufignan, & autres lieux, diminuoient ses forces Françoises, fit faire un Regiment nouveau de ceux de Montferrat, sous le bon plaisir du Roy.

Arrivee de Spinola deuant Cazal.

En fin, le vingt-troisiesme de May le Marquis Spinola arriua deuant Cazal, avec toute son armee, composee de deux Regimens Allemands, qui faisoient six mil hommes de pied, l'un commandé par le Colonel de Richebourg, l'autre par le Colonel ::::: Vn Regiment d'Espagnols naturels de deux mil cinq cens hommes, commandez par le Duc de Lerme Maistre de Camp; deux Regimens de Lombards de cinq mil hommes ou enuiron, commandez par les sieurs Trotty, & Ottauio Sforcoy, tous deux Maistres de Camp; trois Regimens Neapolitains de six mil hommes, commandez par ::::: trois mil Cheuaux, dont la plus-part peu de temps apres furent conduits en Piedmont par Dom Philippe Spinola, au deuant de l'armee du Roy, & ne resta lors deuant Cazal qu'environ 800. Cheuaux, commandez par Dom Fernand de Guenarre.

Troupes qui luy arriuerent.

De deça le Po estoit Dom Hieronimo Augustino avec ses troupes.

Peu de temps apres arriuerent du costé de Freslinette quatre mil Florentins, commandez par Dom Iean de Medicis, qui ne voulurent entrer aux trenchées.

Le sieur de Toyras alla audeuât des assiegeés

1630_067.jpg




Image issue du site mercurefrancois.ehess.fr - Cliché (c) Cécile Soudan